

Bosco大馬排場勁 張繼聰勁葡萄



《紫職3》全港票價最高60元

張繼聰(右)自爆片酬少過黃宗澤。

林千滢很關心與兩位型男合作。

黃宗澤(Bosco)早前到馬來西亞宣傳新片《紫職3》，除了吸引熱情粉絲支持外，更受到貴賓式接待，排場媲美超級巨星！張繼聰大呻要拍戲而未能到大馬，十分羨慕Bosco，很想嘗試做巨星的滋味。

前晚黃宗澤、張繼聰與林千滢等到長沙灣出席主演電影《紫職3》盆菜宴，早前Bosco到馬來西亞宣傳電影時萬人空巷，張繼聰表示要拍戲，遺憾未能到大馬：「睇影片見到場面好墟口，好想享受巨星嘅接待。」Bosco大讚當地宣傳搞得有聲有色，請了很多臨時演員，在他們路過的地方站兩排高呼「大佬」！問到是否覺得自己似巨星？Bosco笑言：「OK嘅，搞到好似係，但我只係演員。」

派福利露血管

張繼聰表示很羨慕Bosco，很想嘗試做巨星的感覺，Bosco即提議如果大馬票房好，就到當地搞慶功。提到《紫職3》首映在大馬出現炒飛現象，他們指很久未試過，覺得首映戲票有炒價很神奇。Bosco笑言若開第4集可到馬取景，片名則叫《紫馬》。



黃宗澤與張繼聰被女士包圍「集郵」。

問到票房好會否派福利？張繼聰笑言不鼓勵：「睇片種同咁演員，留番畀啲後生演員。我入行咁耐，唔會受『昆』亦唔會俾人拋浪頭，但會謝票。如果派福利梗係留畀鄭浩南啦！」他笑言自己有很多作品，不能每次都晒肌：「腹肌又冇乜好露，再嚟就露真皮同血管，不過呢啲太學術性，唔通露毛……孔咩！大家都唔想睇，唔通我帶張血管相畀大家睇，太變態喇！」

二人希望開拍第4集，因大家越拍越有默契，亦可令大家有工開。最近開始投資電影的Bosco被問有否想過投資第4集？他說：「我呢啲小本經營。（用片酬投資？）我片酬好少。」問他與張繼聰的片酬誰較高？張繼聰即指Bosco較多：「我係實用型。」Bosco說：「我可能多佢少少，但佢密食當三番。」另外，該片本周四正式上映，電影公司宣布全港票價最高為60元，二人表示非常好：「可以與民同樂，片商院線可以畀優惠街坊，支持經濟係好事嚟嘅。」

想搵祖兒拍《九龍城寨》 林峯爆吳卓羲「失業」

林峯昨日以代言人身份出席手機活動，談到其澳門騷將於下月7日舉行，他透露會唱多首快歌，更會有全新舞步。問到舞台會否機關重重？他指今次開三面台，必定有升降台。提到容祖兒日前在澳門開騷跳唱時升降台突下降，令她當場跌倒，林峯關心問：「佢冇事嘛？」記者指祖兒自言有武功底子故沒大礙，林峯笑言：「咁叫佢諗諗嗰拍《九龍城寨》！我一直注重舞台安全，不過有時燈光影響，企喺

舞台會睇得唔清楚。」

早前他與吳卓羲結伴欣賞郭富城演唱會，問到是否陪傳與菊梓喬分手的吳卓羲散心？林峯說：「你哋問佢，我哋平時完全唔講呢啲話題。」他笑指吳卓羲沒說過失戀，只是經常說失業：「我當然唔信啦，佢點會失業？我哋成日一齊開心食飯，只係近期我進入半閉關狀態，先較少聚會。」



林峯一向注重舞台安全。

香香承認有戲癮。

岑麗香復出拍劇重練粵語

岑麗香昨日出席化妝品活動，她笑言兩個兒子放完暑假要上學，自己可以多些「Me time」扮靚護膚，亦開始傾拍劇：「如果成事，年底就開工。」她指獲老公支持復出拍劇，更讚老公是「超級好爸爸」：「平日佢可以同時抱兩個，我就做唔到。以前細個仲可以玩騎牛牛，但依家騎上嚟，我已經撐唔起身。」久未拍劇的她笑言要重新練習廣東話：「雖然我同囡囡都有講廣東話，但我又教得幾多咩？所以要靠煲劇同手機程式去練習。」

黃劍文有潛質做跳唱歌手

一連八場《為你鍾情》音樂劇日前順利完成，主角黃劍文表示長達39日綵排，起初壓力爆煲，最終與台前幕後互相扶持度過，他說：「導演羅松堅送咗一句說話『將台詞嘅每一句說話，當禮物送畀觀眾』，我先撐住呢八場表演！」過

去八場演出獲不少圈中好友捧場，劍文獲好友讚「脫胎換骨」，紛紛叫他轉型做跳唱歌手，劍文說：「尾場唱《風再起時》大家都感動到喊，其實好多觀眾都希望有part 2，團隊更希望可以將呢個音樂劇畀香港以外嘅華人欣賞。」



黃劍文舞技有板有眼。